

臨  
平  
記

補  
遺

集顏魯  
公家廟  
碑字

光緒乙  
酉季春  
錢唐丁  
氏嘉惠  
堂開雕

余年甫四齡卽從德清舊廬遷居臨平之史家埭所  
居有樓三楹其下臨街每歲元夕張鐙輒於樓上觀  
之余擬繪生平所游歷者爲四十圖其第一圖曰史  
埭春鐙卽謂此也咸豐辛酉賊至臨平縱火三日余  
時避兵上虞之楂浦聞而傷之賦詩云童時所釣遊  
不與桑梓異阡陌與市廛歷歷在夢寐如何一轉瞬  
惟賸山光翠他年更訪舊何處黃公肆蓋悽然有新  
亭之涕焉已而 王師颺馳電掃羣盜以次削平余  
於戊辰歲再至臨平大亂之後新 故術都不可辨  
余躑躅其閒慨然曰河山不異舉目有風景之殊矣

臨平記補遺

序

一

臨平故有勝國沈東江先生所撰臨平志亂後猶有  
藏弃是書者錢唐丁氏刻入武林叢書而張小雲明  
經又補其所未備爲臨平志補遺四卷因余舊寓臨  
平問序於余其書於明以前臨平事實亦略備矣從  
與丁氏并刻其書以附沈志之後惟東江乃勝國人  
故所紀載止於元末小雲補遺止於明末亦循其例  
然臨平雖小小一鎮市而 國朝二百年來史翰林  
之故里孫文靖之舊居徵文考獻頗有可采倘有爲  
續志者自當一一載之卽余所謂史埭春鐙者或亦  
可爲臨平一故實乎是余所望於東湖諸君子者矣

光緒十年歲在甲申冬十月曲園居士俞樾書於平  
望舟中

臨平記補遺 序

草創是編蒐輯匪易探討六籍藉之同志史傳山經  
藝文輿地新論各陳遺聞斯萃凡所著錄各題姓氏  
統列卷末用告來世乙酉夏五大昌手誌

德清俞曲園先生

定海黃以周元同

平湖徐維錕鶚青

錢塘張景雲寅伯

仁和張爾嘉春岫

仁和許郊子社

仁和朱孝淮子香

臨平記補遺題名

一

海甯許仁杰壬伯

仁和王同同伯

錢塘鄒在寅典三

餘杭孫樹義補山

餘杭孫樹禮和叔

錢塘楊振鎬春浦

錢塘吳慶坻子修

仁和高保康恭甫

仁和周元瑞子雲

仁和魏本存性之

仁和羅渠蟬生

錢塘丁立誠修甫


錢塘丁立本道甫

錢塘丁立中和甫

仁和顧浩養吾

臨平圖

張爾嘉繪



臨平記補遺卷一

仁和張大昌輯

事記

大昌曰東江舊例凡事之有年月可稽者依年月編之爲事記無年月則入附記皆至元代而止明代事僅見辨論中今事記以東江作臨平記爲止附記以東江墓爲止詩詞亦均終以東江恭讀

欽定四庫全書總目附存類中有沈東江集題曰明處士沈謙撰故於東江入明末東江後事概弗入

臨平記補遺卷一

一

入

又曰東江舊書事記凡一百有四條附記四十七條詩五十二首詞二首其書始於癸未成於甲申今亦適於癸未議始至甲申而成

晉中宗元皇帝建武元年周卓卜居臨平祠絳侯咸

臨安志周絳侯廟在臨平鎮晉建武元年侯裔孫卓卜居臨平鄉之大俞氏因即其地祠侯建炎金人犯境鄉民環爲柵以守敵仰視旗蔽空書曰漢絳侯周勃皆羅拜遁去自是靈異著聞雨暘蝗疫有禱必應朝廷下其事奉常議見封爵

曲園先生曰余寓臨平久絳侯祠已無考矣而里人所報賽者尚有楚平王廟余始疑楚平王

何以廟食茲土以絳侯祠推之或亦楚亡之後其子孫有流寓於斯者所立乎

又曰吾宗自魏晉以前見於正史者寥寥觀此知晉建武間俞氏固臨平一大姓也考三國吳志有俞和者賜姓孫氏豈即其後邪今臨平亦尚有俞姓者

大昌曰平王淫昏理不當尸祝然則今之平王廟迨即絳侯祠之譌歟

梁簡文帝大寶元年張彪將趙稜敗於臨平

方輿紀要梁大

寶初張彪起兵會稽討侯景遣將趙稜等圍錢唐與景將趙伯超戰敗於臨平

臨平記補遺卷一

二

王同曰侯景之變豪傑奮起討賊彪遣稜戰敗虜為辱然以視湘東移檄稱太清四年而不能枕戈泣血厲兵攻讐則彪雖非景敵而其無愧於討逆大義者固不僅始興太守一人矣

唐高宗皇帝時釋玄覽法師恢拓華嚴院舊址

康熙和

縣志

大昌曰沈記注武林梵志云唐高宗時玄覽法師即其地而恢拓之鑄金銅像三百五十軀書金字涅槃經二千餘卷今據仁和縣志高宗作高祖按玄覽卒於開元時縣志似誤沈記載華

嚴隋末之燬唐之重建則其恢拓似不應僅見於請湖放生也今補出之

中宗皇帝景龍四年盧季詢書龍興院寺碑清志祐臨

興院在臨平鎮東唐景龍四年盧季詢書寺碑

今不存紹興六年僧慧文募緣重建是時東湖白龍潭連年風濤衝運塘害及蘇湖民田

大昌曰龍興寺紹興六年重建沈記據嘉靖仁

和縣志謂以太后駕幸妙華庵改賜額龍興然

東江云幸臨平在十二年八月豈豫於六年賜

額哉或歲次有小誤耳今仍縣志舊文是東江

已疑其非蓋淳祐臨安志其時罕覩自胡書農

臨平記補遺卷一

學士從永樂大典錄出始有傳本今補錄此以

見唐時已有龍興院名紹興六年祇重修非賜

額而因韋太后臨幸賜額或別一龍興寺與所

謂龍興院非一名未可知也書闕有閒未敢臆

言故紹興六年重建不更複贅

肅宗皇帝乾元間劉晏遣吏勸臨平監民積鹽唐書

志杭州餘杭郡有臨平新亭二監鹽官旱則食貨

志鹽鐵使劉晏以鹽生霖潦則鹵薄曠旱則食貨

溜墳乃隨時為令遣吏曉導倍于勸農越楊

文宗皇帝大和八年臨平湖竭魚鳥皆死追昔遊浙

嘉州四侯官富都十陵監歲得新亭臨平蘭亭永州

西詩注案是歲李紳為浙東觀察使  
振浙西饑據舊唐書李紳傳辨見詩紀

梁太祖皇帝開平三年冬十月高濃舉兵焚臨平鎮

乾隆杭州府志梁太祖開平三年冬十月湖州刺史高濃遣其黨焚燒臨平鎮方輿紀要高州澧以湖州附淮南舉兵焚義和臨平鎮

張爾嘉曰淮南西川二國於開平初移檄岐王

晉王欲會兵興復唐室高濃舉兵附淮南殆應

檄以為興復唐室計乎似未可以焚鎮少之

後唐潞王清泰間建永慶寺於黃鶴山之陽武林梵志永慶

禪寺在黃鶴山之陽今稱龍居寺唐清泰間建

大昌曰沈記載清泰元年吳越王錢元瓘建安

臨平記補遺卷一

四

平寺於臨平山則永慶之建殆亦元瓘同時並

建者歟

晉高祖天福七年僧佛日築淨業堂武林梵志梅石庵在黃鶴山之

之陽天福七年佛日禪師淨業堂舊址

宋太宗皇帝端拱元年置臨平鎮乾道臨安志臨平鎮端拱元年置

仁和县縣乾隆杭州府志臨平鎮端拱元年置

在仁和县縣乾隆杭州府志臨平鎮端拱元年置

鎮市因南渡以來杭為行都二輻輳非他郡比

大昌曰沈記載唐置臨平監云宋臣張閣言錢

唐江水泛溢壞鹽亭鹽地三十餘里豈臨平監

亦鹽亭耶然山之去海甚遠又似非是按沈記  
卷二慶元重修石筭條下云臨平鎮南有曹家  
渠者腴田數千畝去海僅數里屢受漂沒之患  
又云臨平瀕海大德重修石筭條下云臨平去  
海甚邇虞其旦夕衝決民有淪溺之患宋之鎮  
卽唐時監云在山下則海水之至宜矣旣云瀕  
海又云去海甚遠說殊兩岐況仁和疆域據吳  
越備史云割錢唐鹽官各半臨平偏東沈記亦  
有云爲鹽官界其爲鹽亭豈無自耶

仁宗皇帝皇祐三年四月七日蔡襄賞芍藥於臨平

臨平記補遺卷一

五

精嚴寺西軒

梁清標秋碧堂帖  
蔡忠惠公詩序

徐維琨曰精嚴寺未見記載蔡忠惠公文集仍  
作華嚴院不知精字誤否抑臨平別有精嚴寺  
耶然秋碧堂帖公自書詩蹟固顯然作精嚴也  
大昌曰蔡忠惠文集賞芍藥詩原注云辛卯四  
月按乾道志公於治平二年乙巳歲二月知杭  
州而辛卯歲則爲皇祐三年是賞花賦詩在未  
知杭州以前宋史稱公乞杭州殆以游屐熟經  
故湖山樂爲重沓也

神宗皇帝元豐間靖海姚通判築白龍潭隄

黃山谷  
集朝請

大州夫知吉姚公墓誌銘公為靖海人通判杭  
州東挾漕河民曰白龍潭岸善決毀民成功  
公至則築捍水隄於今為有年公六年六  
十三以某年奉窆於錢唐之某原

張景雲曰沈記載許應龍永和塘記云惟永和

隄阻臨平白龍潭之險姚公此築實在永和隄

之前許云邑有范任二君倡為義舉蓋未考設

置此隄之始自姚公也

哲宗皇帝元祐四年蘇軾書天宮寶藏四字於佛日

輪藏周必大南歸錄佛日輪藏刻天宮寶藏四字相傳元祐四年東坡出帥時所書

孫樹禮曰安平泉失去人猶有知之者此四字

幾於伐檀削迹矣

臨平記補遺卷一

徽宗皇帝崇寧二年二月十七日命入內供奉官童

貫重修建臨平山舊塔楊仲良長編紀事本末卷百三十九注云初草

二月十七日載命入內供奉官童貫重修建臨平山舊塔初草蓋據温州報狀

黃以周曰沈記載蔡準墓引西湖志餘云京築

塔山頂又云大觀四年嘗奏京修塔惜無年月

可考據長編紀事則重修年月俱在志餘謂京

自築非也

政和三年僧道釋築庵於亭溪村成化杭州府志羅漢院在亭溪

村政和三年僧道釋者經此聞鐘磬聲遂卓庵而居乾道四年賜名羅漢院

欽宗皇帝靖康元年詔鑿臨平山蔡準墓康熙臨平縣志

山蔡京葬其父準於此京敗靖康元年詔鑿之今俗名斷嶺或謂此山為駝飲海勢遂

丁立誠曰沈記謂洪武初鑿蓋未見周公謹書

耳或靖康鑿破其墓明代更斷山頸歟然周謂

宣和中葬似亦失實長編紀事注謂修塔在崇

寧二年又卷百三十六政和二年己卯手詔賜

蔡京曰臨平置塔初因錢氏尊相名寺起於治

平匪緣近年創有增建云云是修塔在崇寧初

張克公劾京在大觀末手詔賜京在政和初政

和八年改元重和越年改元宣和周云宣和中

臨平記補遺卷一

豈其然歟

高宗皇帝建炎三年金人至淮泗帝發揚州退避二月

辛酉御舟泊臨平鎮建炎以來繫年要錄建炎三年二月辛酉御舟泊臨

平鎮壬戌至杭州以州治為行宮顯寧寺為尚書省

大昌曰要錄稱是時扈駕惟苗傅一軍而已受

明改元之變由是萌焉其能復辟抑亦幸事歟

苗傅之扼臨平具見沈記

紹興初驅鳳凰山鴉於臨平赤岸間葉紹翁四朝

初高宗建行闕於鳳凰山山中林木近如鴉以

昏則整陣而入則大駭命內臣張去為領修內

司諸兒聚彈射而驅之臨平赤岸間未幾  
鴉復如初彈者計窮宮中亦習以爲常

孫禮煜曰徐一夔行宮考宋行宮在鳳凰山下

即自唐以來之州治咸淳志建炎三年以州治

爲行宮紹興元年十一月詔守臣徐康國措置

草創然則驅鴉一事其在元年措置草創時乎

四年冬金人犯淮甸從尚書左僕射趙鼎請親征

十月戊戌泊臨平鎮建炎以來繫年要錄四年

天章祖師引神御以行遺劉錫楊沂中以軍從晚泊

臨平鎮注出戰有遲疑未渡之意朝野即疑又

軍鎮上府請庫駕早幸江上首肯之即疑又

爲中官沮之是鼎請親乞且下發遣中官姓

皆望陞下親征之利也臣欲陞下發遣中官姓

臨平記補遺卷一

八

赴都堂臣具酒禮待之餘人以禍福然後親征可  
決上從之遂發近侍十餘人詣都堂具酒禮  
以宗廟社稷之計安且曰諸公見上贊成其  
事俟退敵回鑾之共享安逸之福議遂定命即草

高保康曰親征之議數中官能沮撓之高宗豈

能決計者哉至請發中官至都堂而後決趙鼎

之志苦矣一時李綱上擣壽昌臨畿甸之策呂

頤獻分道進兵之書皆慷慨憤激翹首相俟焉

五年春金人退師從參知政事留守孟庾請車駕

還臨安二月辛巳宿臨平鎮建炎以來繫年要錄

許仁杰曰高宗親征駐平江府其時夜月犯昴

占者謂爲敵滅之象而吳乞買卒金主晟薨金人皇懼將帥用命恢復中原之機也已足繩澶淵之祖武矣臨平回蹕之宿以視建炎退避之泊舟其氣象固迥不相侔然不思乘此進取以圖恢復惜哉

六年劉豫入寇幸平江親征移蹕建康九月丁卯

御舟宿臨平鎮

建炎以來繫年要錄六年九月丁卯朔發臨安府御舟宿臨平

鎮於舟中與宰執論岳飛之捷建炎以來朝野雜記六年秋劉豫入寇上幸平江

楊振鎬曰高宗嘗謂趙鼎曰若警奏初聞而朕或爲退避之計江浙已爲邱墟矣然則再議親

臨平記補遺卷一

九

征建康駐蹕猶然英武之資也

僧慧文與鄉父老修建運塘捍白龍潭風濤

清祐臨安

志

八年回蹕臨安正月癸亥發建康丁丑次臨平鎮

建炎以來繫年要錄注引呂中曰紹興八年定都臨安不復進都此秦檜之爲也

周元瑞曰是時趙鼎罷相而秦檜用事和議寢決不復議親征者幾二十餘年偏安之局至此遂限檜之罪可勝誅哉

十四年四月水壞臨平塘岸禱於白龍潭重建白

龍王廟

咸清臨安志白龍潭在仁和縣臨平鎮東湖舊有龍王廟紹興十四年水衝壞

塘岸版築不就禱於塘重立廟乃成

丁立誠曰沈記白龍祠祈禱晴雨事數見淳祐七年禱雨寶祐五年禱晴六年禱雨而紹興之禱於潭乃重修祠廟之始也自有祠廟故雨晴皆禱於是

三十一年金亮主渝盟侵犯親往視師八月戊申

發臨安府御舟泊臨平鎮

建炎以來繫年要錄

許郊曰是時金人將謀廢立禍亂已萌亦恢復機會而親往視師仍屬強弩之末惜哉

三十二年二月回蹕臨安府甲寅次臨平鎮

建炎以來

臨平記補遺卷一

十

繫年要錄

大昌曰沈記於名流之至臨平必取以為美談而高宗自退避後及親征往復至鎮駐蹕凡七次均未之載僅具迎韋太后一條殆未見李心傳此書歟今皆依其日月備錄之惟曰舟泊曰宿曰次其辭不一亦姑悉仍其舊

紹興間金國賀天申節賀正旦人使來及回程賜

酒果御筵於臨平赤岸

劉才邵檇溪居士集大

赤岸賜酒果口宣有勅使輶遠暨炎暑屆辰深惟跋履之勞宜有甘芳之賜式隆眷待用示恩私又使人賀正旦到赤岸賜酒果眷宣芳醪美馳使傳將次國門經涉實勞宜加眷體芳醪美

實併有示殊恩又征人使賀正旦回程赤川之酒  
口宣有勅載飭致既遵旦路念赤途賜遠  
頒芳節以回程赤岸賜御私式昭眷肅馳人使  
天申誕於眷屆又蒸諒多勤肆備陳於慈宴  
以來昭示於懷儀已事馳傳言旋回程赤岸賜  
筵口宣錫有勅賓講之廣宴茲惟異數以留從騎  
近郊肆正旦到赤岸賜御筵口宣特頒燕將又  
人使慶歲朝已次近郊念筵勞宣勅肅懷於  
幣來賀正旦到赤岸賜御筵口宣特頒燕將又  
示眷懷又成人禮回程駕臨鎮惟賜祖送御筵口  
有勅使華又成人禮回程駕臨鎮惟賜祖送御筵口  
祖行使華又成人禮回程駕臨鎮惟賜祖送御筵口  
賜御筵口宣有資勅燕樂用示恩私又歸途增輝原  
隰之華申賜豆籩肅持使傳初歷歸途增輝原  
用紓勤特示眷燕私燕

大昌曰槲溪居士集載賜金國人使口宣凡五  
十七條其在臨平鎮赤岸凡八條年月無可稽

臨平記補遺卷一

十一

矣才邵仕於紹興中葉故附載於此  
又曰臨平鎮赤岸本至杭孔道金國人使來及  
回程宋時皆有賜酒果賜御筵之典固不僅此  
數次也惟無徵於載籍者均不錄焉

孝宗皇帝乾道四年賜亭溪村僧道釋所卓庵名爲

羅漢教寺

成化杭州府志請嘉祐臨安志羅漢

五年六月二日陸游宿臨平

陸游入蜀日記乾道五年

班荆館小休亭里晚者北使宿頓及賜燕地  
距臨安三十里急雨頗涼宿臨平者地  
太師蔡京葬如其父準於此以錢唐爲會稽  
山爲案山形如駝駝負重則行遠耳然而塔於先  
樂府蓋已云誰似臨平山上塔亭然東坡西來

送客行則臨平有塔亦久矣當是蔡氏葬增築  
或遷耳京責太子少保制云託祝聖而飾臨平  
之山是也  
夜半解舟

十一月十一日壬戌張伯純劉邦達送樓鑰北行

過赤岸北行錄

大昌曰是年樓公以其仲舅汪大猷充金國賀  
正旦使辟充書狀官故有北行日錄之著此其  
北行之始也

六年二月十三日甲午樓鑰北行歸過臨平赤岸

北行錄

曲園先生曰沈記於宋仁宗康定元年大書夏

臨平記補遺卷一

十二

四月翼拱之來游臨平山細礪洞孝宗乾道八  
年書春二月周必大至臨平名流所至為山川  
生色固也然則此二公者其名蹟當與周伯仲  
視翼遠過矣

淳熙三年正月周必大借尚書永寧侯押伴金國

賀正旦人使御筵於赤岸周益公年譜

四年十月周必大押伴金國人使御筵於赤岸省

文稿卷六詩序程泰之有金帶銀章之句乃因  
十月二日八日押伴北使赤岸御筵服重金侍  
宴紫宸殿坐筵間作數語為戲口宣玉堂類稿卷十  
三赤岸賜御筵內侍徐永叔口宣勅卿等聯  
華擁節奉幣深朝眷懷又口宣有勅少事一  
館特頒宴飲體眷懷又口宣有勅少事一

館持之抗祗信寢遠示等 留華珍侍之弼方元遠  
有瑞寵旻眷及邇持近遠以於又賜何方口屬春宜  
華節勿獻渥茲宜聘郊馳上近口於弼勤宣餘式開  
茲來辭壽庸誕頒幣之四賀岸宣宸口軫有寒遄寵  
禮奉飲馳洗慶芳來勞牡正益有廷宣眷勅勿歸餞  
其壽醕傳征之旨慶欽來旦加勅侑有懷卿辭施用  
肅觴庸及塵期實誕承祝使厚卿燕勅而等霑欲賞  
而勞對都赤郊眷眷禮年赤常已於等厚成回使裝  
承遠眷宜岸勞眷眷禮年赤常已於等厚成回使裝  
又役懷修賜加存舟之錫岸頒慶郊旋旣獻程華又  
口於又郊御隆又御加以賜惟方館車陳歲赤之口  
宣初口勞筵申口之又醕酒是春推言宴道岸寵宣  
有寒宣之口以宣良口醕果渥式予邁餞仍郵酒仲勅  
勅豐有儀宣甘有勞宣貳口恩遄恩置仍郵酒仲勅  
卿宴勅以有芳勅望有之宣尙歸渥餞賜亭果郊卿  
等籩卿作勅之使都勅甘有其旆寵有旨念內餞等  
祗於等使卿錫華城卿實勅祗少乃常嘉涉侍之已  
講近並華等尙有而等并卿服眷使出內履李儀慶

臨平記補遺卷一

十三

趨燕既惜祺岸儀宣鄰又尊敦望有示途爰將隆鄰  
歲餞成滿式賜特有使內之禮闕勅湛來卽新寒歡  
節式聘觴旋御厚勅遠侍醕口廷卿恩趨郊使固載  
嘉將好載使筵甘卿來謝旨宣而等用新關旻宜睦  
修厚方光旆內嘉等益安豐有甚遠光歲就並霑嘉  
好遇卽行望侍之抗舊口品卿錫鄰使餘燕雖又旻  
之聊歸色征朱錫旻舊口品卿錫鄰使餘燕雖又旻  
有慰途又帆思式賀好宣之等之好赤舡飲慶內之  
常遐宜內之正昭歲迎有珍遠芳來岸於又賀侍近  
于征少侍未口予飛頒勅甘慶旨慶賜近口之張止  
邁又駐黃遠宣眷棹醪歲茂新以王酒岸宣未思秩  
春口於述開有尙及核功對春勞春果飛有展温賓  
郊宣郊口宴勅慰郊寵默恩甫皇事內盞勅在口燕  
念有關宣席卿爾載勞運華臨華道侍翠卿馳宣以  
遵勅俾有以等心稽駢俶增近又路蔣於等驅有樂  
途卿載勅少已回勞臻慶光駟內以佚華並而勅胥  
之等伸卿留祝程問又新使錫侍良口筵涉任歲適  
未言於等毋春赤之口春節上王勤宣庸修勞律屬

鄰歡近恪趨辰誕華眷遵塗之甚遠欣弭節之  
愛即歡近恪趨辰誕華眷遵塗之甚遠欣弭節之  
道契飛電節宜嘉深萬於眷懷回程赤岸賜御筵  
增華於使節宜嘉深萬於眷懷回程赤岸賜御筵  
口宣更有開別卿燕庸益光歸行壽色尚深體於  
近郊宣更有開別卿燕庸益光歸行壽色尚深體於  
又口宣載有頒慈惠肅之恩駕方屬暫凝勿近體  
劬之口宣載有頒慈惠肅之恩駕方屬暫凝勿近體  
遠道有姑弭筆於來慶誕辰眷懷成使事方旋又  
宣經別卿等屬近郊慶誕辰眷懷成使事方旋又  
遠有別卿等屬近郊慶誕辰眷懷成使事方旋又  
有勅展綉儀於壽旦亦已締鄰歡弭歸棹又帆而  
載陳飲餞茲惟示惠亦已締鄰歡弭歸棹又帆而  
程赤岸賜酒果口宣馳近藩以勞十弭歸棹又帆而  
歸舟即別以少口宣馳近藩以勞十弭歸棹又帆而  
體我眷私又甫口宣馳近藩以勞十弭歸棹又帆而  
節歸舟即別以少口宣馳近藩以勞十弭歸棹又帆而  
意又歸舟即別以少口宣馳近藩以勞十弭歸棹又帆而  
事於遐征俾少休於近驛載頒芳旨加厚眷私  
歸尚眷留於近岸馳頒醪核益溥龍光犯轍上  
節賀會慶

臨平記補遺卷一

十四

大昌曰益公押伴人使筵宴年譜數見而書赤  
岸則祇一條其餘或以常例而不書歟據玉堂  
類稿則正旦使一為乾道七年一為淳熙三年  
一為淳熙四年一為淳熙五年會慶節使則一  
為乾道七年一為淳熙二年一為淳熙四年今  
凡在赤岸口宣皆附見於此

十二月佛日僧慧舉以東坡佛日題名勒之石范

成大跋之成化杭州府志載跋文山右文忠公  
倅杭時送客至佛日山寺壁間所題

余十年十五往來山中常與舉上人游居其後  
歸因勸成之澹熙丁酉嘉平月范成大書  
周益公南歸錄慧舉字舉直姓朱氏頗能詩

許郊曰沈記載東坡佛日送客題名乃引鮮于  
樞游記著錄為據不載勒石之事豈此題名亦

同於安平泉石上之詩十年化去乎

五年正月九日周必大跋東坡佛日題名周益公

佛日淨慧寺在桐扣黃鶴峯下寺有池有題  
注泉東坡所謂細泉幽咽走金沙者堂上留  
今既百年僧慧舉乃謀入石可謂好事矣  
以張華得名俗稱桐口非也澹熙五年正月九  
日周必大書

大昌曰沈記於乾道八年二月書周必大至臨

臨平記補遺卷一 十五

平乃引吳郡諸山錄云云然據錄中有云齋罷  
復登舟晚宿臨平是乾道八年至臨平僅登岸  
為一游仍宿舟次觀此跋日月去乾道八年已  
七閱寒暑雪泥鴻爪生色山川固不僅以一至  
其地為美談矣

澹熙間賜無量院名額嘉靖仁熙和縣志在赤岸

賜妙果院名額澹祐臨安志妙果院在赤岸澹熙

在赤岸村澹熙間賜是額

十四年十二月使臣朱直卿之臨平捕盜董鬼

紹熙五年十月金國弔祭人使來及回程賜酒果

御筵於臨平赤岸人攻使媿赤紹熙五年金國有弔祭  
卿等遠將慰少安次舍居近郊先勞之旨酒之頒增口以  
嘉肴之錫等慰安次舍居近郊先勞之旨酒之頒增口以  
宣有敕郊卿勞之儀載馳越疆少來將展國喪赤之  
禮宜先敕郊卿勞之儀載馳越疆少來將展國喪赤之  
加六壺果籩之宣饋致三卿辭返旃勤式出爾于邁  
用將歸予啟回程遠赤岸賜御筵口宣有敕卿等歸成  
禮云歸予啟回程遠赤岸賜御筵口宣有敕卿等歸成  
初既厚眷私未遠意方勤於郊送恩宜視夫寶  
益堅信睦

寧宗皇帝慶元元年金國賀登寶位賀正日人使來

及回程賜酒果御筵於臨平赤岸元攻年媿金國賀元

登寶位人使赤岸賜酒果御筵於臨平赤岸元攻年媿金國賀元  
郊闡肅將賀禮龍以賜上尊之口宣有敕卿等來珍  
式位來游以堅信好赤岸賜御筵口宣有敕卿等來珍  
御示圖遠勤使既次郊闡之近載加燕豆之初

臨平記補遺卷一 十六

優其體眷私以承虛初計歸程赤迺賜酒果上尊宣  
仍分頒夫碩有果少安禮初計歸程赤迺賜酒果上尊宣  
賜御筵口夫碩有果少安禮初計歸程赤迺賜酒果上尊宣  
啟在慶元燕用華修聘之歸言還戒途回程始爰  
路慶元燕用華修聘之歸言還戒途回程始爰  
口宣有敕郊卿勞之儀載馳越疆少來將展國喪赤之  
非遙賜壺籩而加遠腆尚承賀以締朝望觀闕以  
賜御筵口宣有敕郊卿勞之儀載馳越疆少來將展國喪赤之  
甸之筵宜厚寶筵之履端之眷始將命以介維均畿  
慶元初重建徧福院趙龐爲之記

慶元初重建徧福院趙龐爲之記

天福七年錢氏建舊名衆善宋治平二在赤岸徧  
年改今額慶元初重建舊名衆善宋治平二在赤岸徧

嘉泰間金國人使來賜御宴酒果於臨平赤岸尊

堂集赤岸賜御宴酒果於臨平赤岸尊  
臨畿甸將展御宴酒果於臨平赤岸尊  
言示夫眷意赤岸賜御宴酒果於臨平赤岸尊  
誕節已臨近郵眷言徒御勞宜有甘醕之賜

庸昭龍眷  
豈曰故常

大昌曰宋史無虞儔傳恭讀

欽定四庫全書總目尊白堂集宋虞儔撰從永樂大典  
錄出儔字壽老寧國人隆興初入太學舉進士  
累官兵部侍郎奉祠卒始為績溪令以治平被  
薦遷監察御史搏擊權貴朝廷肅然為浙東提  
刑徙知湖州又嘗銜命使金考金史交聘表泰  
和元年三月乙亥宋使刑部尚書虞儔泉州中  
觀察使張仲舒等來報謝集中有使北回上殿  
劄子即其事也謹案金泰和元年即宋嘉泰元

臨平記補遺卷一

十七

年據宋史慶元六年冬金遣烏古論誼來弔遣  
虞儔使金報謝交聘表書泰和元年三月以至  
金時日記之此口宣有紹修誕日之歡則當為  
賀誕節惟其時日無考今姑附於嘉泰間則雖  
人使之至不得其時而其事自為有徵也

嘉定元年八月金國諭成人使來賜酒果御筵於

臨平赤岸

攻媿集嘉定元年八月金國諭成人使至赤岸賜酒果口宣有敕卿等徒

御遠征少休密邇爰再頒於甘醴仍分錫夫嘉  
肴行色少休寶筵是飾赤岸賜御筵口宣有敕  
卿等遠驅使切近國郊將修昕旦之  
儀重錫需雲之宴式昭眷意益謹前規

八年知仁和縣趙希言築臨平塘重隄  
宋史趙希

隄決希言督役親捧土投石兵民爭奮隄成因築重隄後不復決

羅槩曰希言字若訥惠王令應元孫後官至開府儀同三司築塘事史不載日月郭北三山志云嘉定八年乾隆杭州府志水利門采之職官門亦繫之嘉定八年任

十二年以海水為臨平塘患下諸司條具築捺之

策京畿赤縣密東南諸水嘉定十二年臣僚言長安插田徹臨平下城內有漕運往來客船絡繹繹兩岸田無非決壞若海徑入於塘不惟民田有鹹水滄沒之患而裏河隄岸亦將潰裂之憂下浙西諸司條具築捺之策務使捍堤為堅壯土脈充實不怒潮所衝從之

臨平記補遺卷一

大昌曰沈記張閣言錢塘江出臨平議修築一條引宋史而載於附記謂無年月而僅存世系者今考宋史河渠志東南諸水上明書政和二年七月兵部尚書張閣言云云豈東江未曾檢及之耶信然則河渠志東南諸水下嘉定十二年此條其漏采也宜矣宋志又載政和六年閏正月知杭州李偃言湯村巖門白石等處並錢塘江通大海日受兩潮漸至侵齧乞依六合寺岸用石砌疊乃命劉旣濟修治今考湯村白石與臨平接壤雖未言及而亦在其內故云等處

惟無臨平二字不復采入

孫樹義曰據趙希言傳中云因築重隄後不復決此則臣僚又以海水為患乞下諸司具策殆思患而預防耶

理宗皇帝嘉熙二年范光記蓮華井今欽定古

方典載記文云臨平山後十里右之鹵蔡余客納林四散院有甘井扣僧孰勝僧指露井之最涼蓮花院茗清甘寒冽自是日走躄奴二壘斬余亟取烹茗為小飲井有神焉亦喜自賀輕費復將此泉味矣雖第一井有神亦喜自沽酒外更無事擾公私歸嘗長斯邑頗人以不擾見思別十年矣行旅如殖今汲水擾人乎爾何愛數語以記斯井之逢

臨平記補遺卷一

大昌曰萬厯志職官表紹定二年仁和令范光茲據范記中有別十年之語作記當在嘉熙二年也

朱孝淮曰蘇長公官杭郡於玉女泉置調水符良吏風雅口碑競稱政成訟理之暇汲水晶泉未足云擾范君廉泉示潔以此為擾人官箴砥礪其已嚴乎

寶祐二年六月壬寅朔罷臨安府臨平鎮稅場宋史

紀本

周元瑞曰南渡時民生苦於供億久矣稅場罷

免生計少蘇惜其僅在一鎮迨公田之設則疲  
敝極焉

六年臨平山里人立白龍王廟謝緒所書碑良山志

碑為寶祐六年立謝緒書

魏本存曰沈載寶祐詣廟禱雨事云其建碑年  
月今亦無考碑尾隱隱有宮眷字疑出自理宗  
御賜未可知也蓋未考碑文耳

又曰謝緒後受金龍四大王之封亦龍神矣其  
神見形黃河灘岸每幻為方頭小黃蛇見則防  
河官吏演劇致祭其蛇輒蟠木主昂首受之則

臨平記補遺卷一

二十

其書碑也已為靈氣相感召歟

元世祖皇帝至元十三年正月癸巳巴延軍次臨平

鎮元史嘉興壬午至元十三年正月戊寅巴延以  
鎮軍出嘉興壬午至元十三年正月戊寅巴延以  
鎮甲申防禦使吉甫等遣其保康軍承宣使尹  
甫和州防禦使吉甫等遣其保康軍承宣使尹  
前乙酉丞相吳堅文天祥樞密謝安撫賈餘謝  
氏遣其丞相吳堅文天祥樞密謝安撫賈餘謝  
慶中貴鄧惟常疑有異志羈留軍中巴延顧文  
天祥舉動不惟常疑有異志羈留軍中巴延顧文  
正月壬午次長安鎮癸未臨平鎮甲巴延顧文  
皋亭山壬午次長安鎮癸未臨平鎮甲巴延顧文  
軍承宣使宋知州防禦使吉甫等遣其保康軍承宣使尹  
降表詣軍使宋知州防禦使吉甫等遣其保康軍承宣使尹  
大丞相伯顏領宋知州防禦使吉甫等遣其保康軍承宣使尹  
請執政相伯顏領宋知州防禦使吉甫等遣其保康軍承宣使尹  
日除文至伯顏領宋知州防禦使吉甫等遣其保康軍承宣使尹  
以賈慶天祥為右丞相吳堅為密院丞相謝堂樞密乃

院家鉉翁參知政事劉崑同知樞密院事侍從  
交贊公出天祥學士行舉亭山見伯顏  
以資政殿大學士行舉亭山見伯顏  
丞相天祥抗辭不屈遂留之不使南歸

曲園先生曰史載是年正月丁卯朔則癸未巴  
延軍次臨平乃十七日也此宋末一大事而沈  
記不載止載元兵迫臨平提刑徐道隆入援死  
之一事又誤以元兵迫臨平為德祐元年冬十  
二月事失之矣

又曰乙酉師次臨安北十五里而戊子吳堅文  
天祥等仍見於明因寺蓋前軍進次而巴延猶  
駐臨平也宋史文天祥傳但言與伯顏抗論皋

臨平記補遺卷一

亭山三朝政要亦但言至皋亭山而不知其實  
在明因寺此亦臨平一大故事也

順帝至元間建寂照庵於臨平山成化杭州府志然

庵乾隆府志同

至正間重建治平寺成化杭州府志

至正末廣嚴寺燬成化杭州府志

安隱寺燬成化杭州府志

徧福寺燬成化杭州府志

治平寺燬成化杭州府志

明覺院燬成化杭州府志

景星觀燬嘉靖志星仁和縣志沈成化杭州府

羅漢教寺燬成化志

圓通庵燬武林志

月輪寺燬乾隆府志

大慈院燬乾隆府志

寶慶院燬乾隆府志

壽寧院燬嘉靖縣志

淨信庵燬嘉靖縣志

龍興寺燬嘉靖杭州府志和縣志龍作隆成

蓮花院燬嘉靖縣志

臨平記補遺卷一

迎峯庵燬嘉靖縣志

月華庵燬嘉靖縣志

顯惠庵燬嘉靖縣志

大昌曰沈記於隋大業唐會昌宋建炎華嚴院諸寺之燬均備書之元至正末東南寇賊蠡起張士誠往來蘇杭臨平實孔道也雖史冊亦如隋書無臨平被兵之文而諸寺之燬幾盡民生蹂躪可知矣備書之亦沈氏舊例也